

QUÆSTIONES ANNO 1889

COLLATIONIBUS THEOLOGICIS DISPUTANDÆ IN DIOCESI CHICOUTIMIENSIS.

MENSE JANUARIO.

Petrus, peccata sua confitens, ita se accusat : « Domum Titii incendio sponte delevi et flammæ domum Cati proxime positam destruxerunt.—Paulum graviter vulneravi et idcirco plurimi Pauli creditores damnum subierunt.—Delictum contra justitiam perpetravi et hoc innocenti cuidam imputatum fuit, qui in carcerem conjectus est, quique ibidem inclusus anno integro remansit.—Philippo lignum furatus sum, imo hodie ejus famam calumniis læsi : hinc contritione motus, pro eo Missas celebrare feci et elemosynas pauperibus distribui. »

Quærit confessorius a theologo :

1^o *Quænam principia tenenda sint de damnis proximo illatis ?*

2^o *Quid agendum sit cum hoc penitente ?*

Sempronius, parochus, omnino renuit celebrare matrimonium Titii quem censuris Ecclesiæ innodatum esse novit quemque ad confessionem sacramentalem peragendam adducere nequit. Quæritur :

1^o *Utrum confessio sit absolute prærequisita ante matrimonium ineundum ?*

2^o *Utrum aliquid sit positive præscriptum pro adsistentia matrimonio illorum qui notorie censuris innodati habentur ?*

3^o *Quid de ratione agendi Sempronii in casu ?*

MENSE MAIO.

Agatha, prægnans, casu audivit excommunicationem latam esse in constitutione *Apostolicæ Sedis* contra procurantes abortum,